



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Notae Severini Binii.

urn:nbn:de:hbz:466:1-15221

NOTÆ SEVERINI BINII.

ANNO
CHRISTI
581.

^a *Concilium.*] Hoc Concilium hortatu Guntramni regis celebratum esse, acta indicant. Ad mores ecclesiæ reformandos ac præcipue Iudæorum petulantiam coercendam in eo viginti Canones constitutos fuisse, scripsit Ado Viennensis episcopus in chronico his verbis: *Post Philippum Euantius vir sanctus episcopus Vienna leuatus est. Hic cum sancto Prisco & Artemio Senonico & Remigio Bituricensi & cum aliis sanctis episcopis viginti capitula ecclesiastica perfecte roborauit, quibus consensit quoque Syagrius Æduensis episcopus vir summa sanctitatis.* Ex his viginti capitulis, quorum Ado mentionem facit, in actis Concilii nouemdecim dumtaxat reperiuntur.

Causa Concilii.

^b *Matisconense.*] Sic dictum a Matiscona, quæ est ciuitas Æduorum in Gallia ad Ararim sita. De quo hæc Hadrianus in suo theatro. *Matiscona vulgo Mascon, sita est apud Ararim fluiuium recto & longo tractu. Quamplurima damna passa est ab Attila, Francis Burgundiam impugnantibus, aliisque quamplurimis. Vltimo instituta est sub Philippo Augusto anno salutis 1222. cum generosioris animi ciues orsi sunt urbem nouis mœnibus concludere, & aduersus prædonum incurSIONES vallo & propugnaculis munire: sex tunc constituerunt portas, & opidum oratoris publicis decenter ornarunt. Inter quæ diuorum Petri & Pauli ecclesia & curia, quæ pridem extra urbem sita erat, ut urbis murorum veteres ruina declarant, quæ inter hanc ecclesiam & sancti Vincentii cœnobium a diuo Niceta condita visuntur. Sed istis a Lothario euersis, diui Petri & Pauli ecclesia diuerso loco restaurata fuit, atque apud eam canonici regulares collocati. Nec longe ab his prochodochium & cœmeterium publicum. Quod autem diui Petri cœnobium natura & opere munitum erat, & Carolus Burgundiorum dux canonicorum fidem suspectam habebat, iussit illud deleri, eoque facto canonici receperunt se ad eam urbem ecclesiam, quæ ipsorum alioqui iuris, ab iisdem etiam nunc tenetur. Erat & alia ecclesia primi atque sanctioris instituti canonicorum, quos regulares vocant, diui Stephanii titulo, in colle extra urbem sita, quæ a Lothario euersa in Iudæorum postea usu fuit, ex quo & hodie pons eo pertinens Iudæorum vocatur. Sed exactis Gallia Iudæis illa ecclesia paræcica & curialis facta est. ecclesia autem cathedralis primo dicata fuit sub nominibus apostolorum Petri & Bartholomæi, & martyrum Geruasii & Protasii. Sed Gallia Rex Childebertus eius nominis primus, quo erat pietatis affectu erga Vincentium martyrem, reconditis ibi eius reliquiis, multis eam ecclesiam beneficiis auxit: quo euenit ut cum populi quoque affectio ad regis pietatem accederet, appellaretur hæc diui Vincentii ecclesia. Sed pulcherrimum apud Matisconios adificium est Dominicanorum cœnobium, quo loco ante comitum erat palatium a sancto Ludouico extructum. Quod cœnobium Hugonotica rabie anno 1561. & rursus anno 1566. vastatum fuit, quod idem Minoritarum cœnobio, iudiciali foro, & collegio, & carceribus, & omnibus fere urbis ecclesiis accidit. Hæc de Matiscona Hadrianus.*

Matiscona quæ & qualis ciuitas.

Tempus
Concili.

^c *Pelagii II. anno 18.*] In fine actorum Concilii scribitur, hanc Synodum anno duodecimo Guntramni regis celebratam esse; sed mendose & depravate. Nam si (vt ibi legitur) decima quinta indictione habita fuerit, non duodecimo, sed decimo octavo Guntramni regis, eam celebratam esse dicere oportet. Nec est quod quis eam reuocet ad præcedentis indictionis periodi itidem decimam quintam indictionem: nam illis temporibus Nicetius præerat ecclesiam Lugdunensi: hoc autem tempore & indictione regebat eam ecclesiam Priscus, qui huic Synodo subscriptus infra inuenitur.

ANNO
CHRISTI
581.

Can. 5.

^d *Vt nullus clericus sagum, &c.*] Hoc Canone sustulerunt prauum illum usum clericorum, qui factione Salonii & Sagittarii episcoporum, de quibus supra in notis Concilii Cabilonenfis, irrepserat.

Can. 9.

^e *Vt feria sancti Martini, &c.*] Huiusmodi ieiunia in Galliis a sancto Perpetuo Turonensi episcopo primum instituta fuisse, docet Gregorius eiusdem ecclesie antistes libro 10. hist. Franc. cap. 31. vbi inter alia ieiunia a depositione, inquit, *sancti Martini vsque ad natalem Domini, terna in septimana ieiunia.* Fluxit inde vt nonnulli fidelium integrum tempus aduentus, quod natalem Domini diem præcedit, ieiunio continuato transigerent.

Can. 14.

^f *Vt Iudeis a cæna Domini, &c.*] Vide quæ hac de re notauimus supra Can. 28. Concilii Aurelianensis III.

CONCILIVM LVGDVNENSE III.

ANNO
CHRISTI
583.

SVB GVNTRAMNO REGE ANNO REGNI
eius XXII. mense Maio celebratum, id est ¹ anno Christi
DXXCIII. Pelagii II. papæ VI. Chilperici regis XXII.

*b Anno
Christi
DXXCIII.
vt Binini
putat.

TITVLI CANONVM.

- | | | |
|--|-----------|---|
| I. <i>Vt episcopi, presbyteri, & diaconi, extraneas feminas domi non habeant: & qui coniugati ordinantur, ab vxoribus sequestrantur.</i> | recedunt. | IV. <i>De incestis coniunctionibus.</i> |
| II. <i>De epistolis captiuorum caute examinandis & conscribendis.</i> | | V. <i>Vt episcopi natale Domini, & pascha extra ecclesiam suam non celebrent.</i> |
| III. <i>De puellis quæ a monasterio</i> | | VI. <i>De leprosis cuiusque ciuitatis & territorii, vt episcopi eorum curam gerant.</i> |

CANONES.

I.

MVLTa quidem anterioribus temporibus venerabilium patrum sanxit auctoritas: nunc